



**Sámi allaskuvla**

Sámi University of Applied Sciences

OAHPPOPLÁNA

---

# Sámi girjjálašvuohta: teoriiat ja metodat

**10 oahppočuoggá**

Dutkan- ja oahppostivrra jodiheaddji lea dohkkehan mearrádusnotáhtain 15.12.16 (Public áššer. 16/00660). Rievdadusat dohkkehuvvon goahtejodiheaddji mearrádusnotáhta bokte 27.09.22, Public áššer. 22/00610-1).

## 1. OAHPPPOVTTADAGA NAMMA

Sámegillii: Sámi girjjálašvuohta: teorijjat ja metodat  
Dárogillii: Samisk litteratur: teorier og metoder  
Eangalasingillii: Saami literature: theories and methods

## 2. OPPALAŠ DIEĐUT OAHPU BIRRA

- OAHPPPOVTTADAGA KODA: SÁM 215
- VIIDODAT: 10 oahppočuoggá
- OAHPU LÁGIDEAPMI: Neahttadoarjjaoahpahas: eanaš neahttaoahpahas, ja muhtin fysalaš deaivvadeamit Sámi allaskuvllas, Guovdageainnus.

## 3. OAHPPPOGRÁMMA GULLEVAŠVUOHTA

Sámegiela ja sámi girjjálašvuođa bachelorprográmma.

## 4. SISABEASSANGÁIBÁDUSAT

Dábalaš sisabeassangáibádusat alitoahpahussii ja sámegielmáhttu. Sisabeassanvuođđu sáhtta leat juogo oppalaš lohangelbbolašvuohta (čáđahan joatkkaskuvlla/logahaga) dahje realangelbbolašvuohta. Oppalaš lohangelbbolašvuođa gáibádusat olgoriikka ohcciide bohtet ovdan NOKUTa GSU-listtus.

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellanja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuođu.

Dasa lassin galgá studeanta čáđahan SÁM 106 Sámi girjjálašvuohta (10 oč) dahje SÁM 111 Sámi girjjálašvuođa vuođđokursa (10 oč) dahje vástideaddji oahppu.

## 5. OAHPAHUSGIELLA

Davvisámegiella. Studeanta berre bastit lohkat engelasgielat teavsttaid.

## 6. SISDOALLU

Studeanta oahpásmuvvá girjjálašvuođa dutkama guovddáš teorijaide ja metodaide ja heiveha daid dálá sámi girjjálašvuođa ja dan sierra šlájaid lohkamii.

## **7. OAHPPANJOKSOSAT**

Oahpu maŋŋá studeanta dovdá girjjálašvuođa dutkama guovddáš teoriijaid ja metodaidda gárggiideame 1800-logu loahpas gitta dálážiid ja máhtá heivehit daid sámi girjjálašvuođa lohkamii ja analyseremii.

## **8. OAHPAHAN- JA OAHPPANVUOGIT**

Oahpahus lea omd. logaldallamiid, joavkobargguid, hárjehusaid, semináraid ja bagadallamiid hámis.

## **9. GÁIBÁDUSAT BEASSAT EKSÁMENII**

Oahpu áigge studeanttat galget čađahit guokte geatnegahttojuvvon ruovttubarggu, main nubbi lea teoriijačálus ja nubbi analyserenbarggu. Ovttaskas čállošiid guhkkodat lea 3–4 siiddu.

Eaktun beassat eksámenii lea ahte fágaoahpaheaddji lea dohkkehan geatnegahtton bargguid.

## **10. EKSÁMEN**

Eksámen lea ruovttueksámen mas studeanta čállá 8–12 -siidosas oktagaslaš fágalaš esseijaa sámi girjjálašvuođas ja geahččala suokkardallat válljejuvvon fáttá iežas válljen heivvolaš teoriijain dahje metodaidda. Fáddá šihhttojuvvo ovddalgihtii fágaoahpaheaddjiin.

Esseijas árvvoštallojuvvojit fágalaš čehppodat, čálalaš giellageavaheapmi ja čehppodat hábmet čálalaš barggu.

Eksámen árvvoštallojuvvo bustávvaárvosániin (A-F).

## **11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?**

Privatisttain lea vejolašvuohta váldit oahpu. Geahča muđui U/A lága § 3-8 (2).

## **12. KVALITEHTASIHKKARASTIN**

Čujuhuvvo Sámi allaskuvlla kvalitehtasihkkarastinvuogádkii, ja makkár vejolašvuođat/geatnegasvuođat studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

## **13. LOHKANMEARRI**

Lohkanmearri dohkkehuvo sierra.